

金

石

萃

編

金石萃編卷一百三十五

賜進士出身 誥授光祿大夫刑部右侍郎加七級王昶撰

宋 十三

澹山巖詩刻二十四段

石高二尺八寸廣二尺
六寸七行行八字正書

尚書駕部員外郎監零陵郡事尹瞻

爰集元化精嶄巖大塊坼駭若盤古時呀然巨靈擘狀
怪嘔風雷勢遡吞山澤寒暑中外分居僧甘窟宅

又高一尺九寸廣一尺六寸
三分八行行八字正書

郡進士蔣緯

風生崖木響，霧散洞門寬。幽徑盤危入，青天一面看。三
冬僧定暖，五月客游寒。縱有通神筆，亦應圖出難。

嘉祐六年正月廿四日孫州院孔日官襲上石并書

又

高二尺七寸廣一尺三寸
三分六行行十四字正書

尙書都官郎中通判軍州事樂咸

門開巖底洞，沈沈竇乳雲。泉矢路深香，石峭峰千載異。
龍潭幽穴四時陰，僧居築室隨高下。客到畱題見古今，
南出零陵一舍地。清澗堤上好追尋。

治平三年正月十五日書

又

橫廣四尺五寸高三尺五
寸十八行行廿一字正書

蔣之奇字穎未

零陵水石天下聞澹山之勝難具論初從巖口入地底
始見殿閣開重門乃知茲洞最殊絕洞內金碧開祇園
寬平可容萬人坐仰視有若覆盎益虛明最宜朝日照
陰晦常有壘雲屯盤虬夭矯垂乳下異獸突兀巨石蹲
香山一株在崖壁人跡悄絕不可捫靈仙飛遊享此供
常駕鸞馭乘雲軒我來正逢秋雨霽氛翳開廓陽景溫
呀然雙穴露天半籠絡萬象將并吞只疑七竅混沌死
五竅亡失兩竅存神奇遺跡未泯滅至今猶有斧鑿痕
雲床石屏極隈隩昔有居士嘗潛蟠避秦不出傲聘召

美名遂入賢水源咸通嘗為二地窟元暢演法地輒遷
從茲其中建佛刹棲隱不復開世宣惜哉此境久埋沒
但與釋子安幽禪次山子厚愛山水探索幽隱窮晨昏
朝陽迫迨若就狴石角禿鬣如遭髡豪篇矜夸過其實
稱譽珉石為瑱璠瓊觀環賞欲奄有不到勝處天所慳
嗟予至此駭未覩不暇稱讚徒驚歎恨無雄文壓奇怪
好事略與二子班蕪詞願勒岳上石勿使歲久字滅漫

熙寧九年正月廿二日過此書

又高二尺六寸五分廣一尺五寸六行行十字正書

一景曲彎彎初遺号澹山崖邊煙草亂石上雨苔班客

往長時望僧居永日閑幾迴將欲去心只在巖間

熙寧九年丙辰歲安定胡奕題

又

高七尺四寸廣三尺二寸五分
七行行十九字廿字不等行書

山谷老人黃庭堅

去城二十五里近天與隔盡俗子塵春靄秋蠅不到耳
夏涼冬暖抱宜人巖中清磬僧步起洞口綠樹僊家春
惜哉淡山世未顯不得雄文鑱翠珉

淡山淡姓人安在徵君避秦亦不歸石門竹徑幾時有
瑤臺瓊室至今疑山中明潔坐十客亦可呼樂醉舞衣
闔州城南果何似永州淡巖天下稀

又橫廣二尺八寸高一尺九寸十五行行九字十字不等行書

進士蔣緯

風生崖木響
霧散洞門寬
幽徑盤危入青天
一面看三冬
僧之暖五月
客遊寒縱有通神筆
亦應圖出難

昔郡守王公世則遊是崑讀此詩至青天一面看輒

驚歎曰崑中奇處此句道盡遂相与為詩友士大夫

雖傳誦此詩至今終不知其因今復易新刻并叙其

事以示觀者建中靖國改元中春望日四世孫務敏

謹識

又三行行十三字行書
此刻在蔣緯詩之左

古木懸秋月空雲結洞天崑中人不見歸去竟忘年

時爲巡撫願書口來遊口口口口口口口口識

又高四尺七寸五分廣三尺十行行十四五六字不等行書

乘暇率僚友訪澹山祇閣御書清談久之偶成以

豁其思

棠陰蕭爽訟詞稀乘暇齋莊一陟危雲漢昭回神

聖畫珠璣煒燿古今詩清談習習風聲起薄暎霏霏雨

脚垂它日玉堂誇勝踐畫圖應展淡山奇

同遊者爲誰譙國曹宗文元伯廬江何允太和長沙

何谷應求臨江何昌辰利見吳興沈充彥端宣和

二年歲在庚子季冬十有七日江夏黃同學古書

又

高三尺四寸廣一尺五寸廿二行行十十一十二字不等行書

建炎庚戌上春十有三日用之同文發先輩偶遊澹山巖長老琦公接余于寺外且曰不預探知不獲遠接余笑謂之曰訓狐不相報否琦老卽謂余曰提刑道力行不動塵鬼神容有不知余嘉其不以僞告而味其言之高也因成二詩以答其意借用山谷老人韵江都尙用之

我來訓狐無所聞老人戲我不動塵道愧未嘗分寸得
心灰要似尋常人斷崖危絆藤蔓古殘僧靜對桃李春

次山不遇過山谷倬口妙句垂堅珉

崑深樹綠春長在崑暇雨霽雲初歸天愛護持有神物
蛇去因果無狐疑石田藥曰誰與刻香山乳竇苔生衣
未問城南聞州比此景自是寰中稀

又 橫廣二尺七寸高一尺五寸五分
十一行行七字九字不等篆書

渡過瀟江日已曛影和明月共三人名崑近郭別州少
好事更誰如我真絕頂有天浮碧樹凌秋無暑斷紅塵
終當早棄人間事來與山僧作並隣

紹興乙丑七月幙谷游何蕭卿乘月獨遊淡巖書事
兼簡零陵宰君李兄秀實

又高六尺二寸廣二尺五寸七行行十四字正書

起仰高山積有年忽看巖竇鎖雲煙一塵不到非凡地
六月當知不暑天昔有秦人嘗穴處世從山谷始名傳
品題自古因人重我謾邀僧煮石泉

清源留筠端父嘉芝丁丑抄冬八日行郡來遊與僧

文思酌衡嶽茗誦山谷詩徜徉久之因識歲月

又高四尺八寸八分廣二尺二寸二分六行四行行十四字二行行廿二字正書

坤靈擘筭天幻奇一到倦凡覺兩岐處士清風存萬古
詩翁雅句見當時洞深不礙烟雲逸丹就那知日月遲
更上層臺瞻佛像媿無法語勘狐疑

郡丞三山王子申携家偕臨汝董叔雲口蒲同遊皆
嘉定庚辰孟冬九日男憲孫穎孫侍行因畱唐律以
紀歲月云

又高三尺八寸廣二尺七寸十行行十四字行書

郡丞晉陵張友仁仲父呂紹定庚寅二月十六日遊
澹巖賦水調歌

石屋勢平曠峭壁幾巉崑妙哉天造地設誰復謂神剏
疇昔涪翁題品曾說人寰稀有豈特冠湘南越取脚輕
健相與上高寒 避秦者君莫問意其間祖龍文宥至
今草木尙愁顏贏得功成丹鼎久矣乘風而去跨鶴與

騷鸞猶有白雲在鎖日繞禪關

又高三尺四寸廣二尺七寸十一行行十三四字不等正書

澹氏人安在縹緲九霄間我來唯有石屋周覽百尋寬
一曲中分夷險雨屬空光平布滿洞貯清寒高致自堪
仰何必論金丹 周賢士知此意薄秦官一牀一枕依
然猶伴白雲閑門外倍塵如海門裏道心如水談笑足
回瀾此事無今古不信叩嶽山

伊維吳千能守瀟湘八閩月迺得游淡巖真天下奇
觀也風水調刻諸石弟子兕子奕侍客蔣涇曹昌佑
偕行紹定庚寅清明日

又橫廣三尺六寸高三尺
一十八行行七字正書

紹定六年歲在癸巳二月二十六日郡丞嘉興婁續

祖題永州淡岳

昂局寂寂幾經春中有神僊隔世塵不假棟梁為大厦

盡藏今古往來人

又橫廣二尺二寸高一尺六寸十
五行行十二三字不等行書

憶昔游淡岳文社四為侶相逢各年少抱負俱有素訓
狐聖得知夜半叫已婁主人知客來倒屣相告語且言
龍王神多有靈異處慇懃扣科名吉兆齊確許未成三
先達陸續霄漢去轉盼三十載獨我尙困沮行將賈餘

勇猶幸有孤注乘輿偶重游寓敬香一炷再拜問龍王
前約何可負朱衣願點頭成就在此舉擬欲鑿堅珉紀
此一奇趣

浯溪郭三聘次尹紹定癸巳中秋偕唐可大周衡仲
重遊感舊賦詩問訊龍王之神刻翠碧以彰靈跡姑

俟異日殊老證明

又高三尺五寸三分廣三
尺九行行十四字正書

爲愛溪山來永州黃茅白草使人愁驅車遙指巔峯去
峯在瀟江最上頭江轉峯回景奇絕巔山嵌竇眞天設
摩挲丹竈酌石泉騁驪曾遊今幾劫徵君徵君苦避秦

一秦人又一秦人青山踏破無扁錡何地堪逃世上塵
景定壬戌四月望郡從事眉山文有年題於是吾宗
默庵開堂之三日也

又

橫廣三尺六寸高二尺一寸十行行七字行書

永州淡巖天下稀山靈妙斲涪翁知蹲視翔鳳獻穎異
中有僊佛來娛嬉我生骨相口冰雪心境相口口懌悅
緣輕自笑來已遲猶見巖前古時月

景定壬戌陳宗禮書

住山應遠上石

又

高二尺九寸廣二尺六寸六行行十字行書

巖竇天下奇黃詩天下稀洞明無所隱石執爭欲飛雷

穀今猶在澹仙何未歸磨崖文斷滅苔蘚却成衣

景定癸亥中秋二日會稽張遠猷書

又

此刻在張遠猷之左三行
行八字十字不等行書

使君得佳句簡存如猗那着之巖石中千古不可磨

住山門僧紹瑤謹誌

又

高三尺二寸廣一尺四寸十
三行行五字七字不等正書

舟艤澹巖前巖扇不記年臺高先得月石透可通天洞
古依禪刹碑殘紀昔賢勝遊回首望林麓鎖雲煙

景定甲子仲冬蜀東如齋文子璋自道之吉艤舟岸

下挈家來遊男起傳道傳侍

又橫廣三尺高一尺八寸十行行七字行書

清江趙口口

巖扃二里鎖煙霏天下名山此本稀
硬石穿空誰運斧
寒冰滴雪欲添衣
仙遊塵外杜蘿老
僧住山間笋蕨肥
自嘆微官猶縛我
倘容卜築定忘歸

咸淳壬申九月范陽同年示及零陵三題率然為荅
甚愧妍唱

又石橫廣四尺高三尺五寸十六行行十四字正書

荆湖南路轉運使尙書祠部員外郎俞希孟

火星巖

金石錄卷一百三十五
信美真靈宅呀然洞府通
皇家尊盛德南夏享陰功
廟貌鄰炎帝峯名比祝融遊人思所謂無獨愛嵌空

朝陽巖

旭日多橫照幽巖得粹華次山名此地瀟水匯其涯峭
壁生雲葉危根濺浪花終携羨門侶晨坐燕朱霞

澹山巖

巖腹潛雲搆清涼十畝間天畱盤古穴人識寶隄山壤
際煙嵐濕高僧歲月閑 聖時無遁客佳境付禪關

又石橫廣三尺九寸高一尺九寸五分
廿三行行十一十二三三不等草書

澹巖六韻奉呈 遜叔侍郎兼寄惠照禪老

河南潘正夫

祝融之南近湘濱地口口開散翠珉金闕不關口世設
丹葩爭發洞宮春遲留杖屨尋真慣悵望煙蘿入夢頻
口罷空口爛河客口口多失避秦人口口石棧仙風迥
靜對巖扉口色新借問詩翁與禪伯如何口口許為鄰

選叔當約寺
僧讀書巖中

次韻奉和 蒙著太尉澹山見示長句

澹巖宛在進江濱多少篇章刻翠珉聞道 鳳凰將九
子恰逢花木正中春是日杖游豈為知名久歷覽縣知
嘯侶頻林外鳥聲應報 客溪頭梅子已生人茆茨

信我無 三頭物象因君遂一新試 口 携筇採靈草
口 何必與口鄰

按澹山巖詩刻二十四段凡五七言古近體詩二

十八首 內重出一首 水調歌詞二闕詩不見錄於紀事

詞不見錄於詞綜作者及題名姓氏可見者三十

六人而泐者不與焉其見于史傳者四人蔣之奇

已詳前卷彼但有題名而無歲月此則刻詩而署

云熙寧九年正月廿二日題名當亦同此時也山

谷老人黃庭堅題七古詩二首豫章黃先生文集

亦載此二詩皆無歲月攷年譜崇寧二年留鄂州

十一月有宜州請命三年自潭州歷衡州永州全州靜江府以趨貶所三月泊浯溪十四日到永州有題淡山巖詩二首是此詩作於崇寧三年三月也廬江何兌太和史有何兌者昭武人附見忠義馬伸傳伸依程頤門以學受中庸以歸兌復受學于伸伸歿兌嘗輯其事狀但傳不言其宜和時有官永州之事未知卽一人否也陳宗禮字立之淳祐四年進士累直煥章閣遷祕書監以監察御史虞處言追兩官送永州居住景定四年拜侍御史此題在景定二年壬戌正居住永州時也此外有

尙用之見宋詩紀事載蒙亭倡和長句張洵倡尙
用之和有序略曰嘉祐中經略吳公及卽伏波巖
之左以爲亭名蒙潛使李公師中記而鑄於巖之
崖亭久埋廢記亦湮滅紹聖改元龍圖閣胡公宗
回帥桂林憲使梁公出其家藏蒙亭記以觀胡公
斥基而新之云云詩從粵西詩載錄出此題是建
炎庚戌距紹聖改元又三十七年不知卽一人否
紀事不詳用之事跡而此則著其實爲江都人姑
識以備攷餘俱無攷

李屯田勸農示

石高三尺六寸廣二尺三寸十行行十七字正書

勸農事

提刑屯田員外郎李

每因讀刑

禁旬狀見人民多因小事爭鬪致有殺傷雖骨肉至親不相容忍此深可哀憫蓋勸農親民官不本教化所致今後令佐須曉諭鄉老令勸率子弟勉於田農孝養父母內外和順不相欺凌民無欠爭則無橫死自然天道與人事相應無水旱凶災令佐不得輕遠方以爲不可教誨况此人民曉事教誨必聽切在遵稟

大宋嘉祐六年辛丑六月一日龍隱岳釋迦寺傳天台祖教沙門口口上石

蘇文忠獨遊南山詩

石橫廣三尺二寸高二尺
六寸十行行十字正書

獨遊南山詩

趙郡蘇軾子瞻

壬寅重九以不與 府會故獨遊至此有懷舍弟子由
花開酒美曷不醉來看南山冷翠微憶弟淚如雲不散
望鄉心與鴈南飛明年縱健人應老昨日追歡意已違
不向秋風強吹帽秦人不笑楚人譏

元祐庚午秋天王院僧口口

鳳翔府天興縣尉林口

按此詩文忠自署云趙郡蘇軾子瞻史傳稱爲眉
州眉山人卽頴濱撰墓誌銘亦稱世家眉山此獨
題趙郡其詩以施注蘇詩本校之此首在續補遺
卷中題云壬寅重九不預會獨遊普門寺僧陶有
懷子由此題則云壬寅重九以不與府會故獨遊
至此有懷舍弟子由彼此互有詳略東坡先生年
譜嘉祐七年壬寅先生年二十七官於鳳翔傳稱
嘉祐五年調福昌主簿歐陽修以才識兼茂薦之
祕閣試六論除大理評事簽書鳳翔府判官卽是
時也陝西通志普門寺在鳳翔府東一里唐建有

王建吳道子壁畫其曰獨遊南山者似是指府西北三十里之雍山卽水經注雍水出雍山者也鳳翔有山皆在西北東北而南面無山此詩云來看南山吟翠微者亦借用陶詩悠然見南山語非實有所指也詩中與集本不同者花開酒美曷不醉集作花開酒美盍不歸此顯然是集誤是時文忠官府判不預府會故云曷不醉若云盍不歸則無謂矣不向秋風強吹帽集作不問亦訛未題元祐庚午秋庚午爲元祐五年殆立石之年歟

石高廣其三尺四分十八行
行十八字正書在安陽縣

韓愷墓誌銘并序

叔祖開府儀同三司行刑部尚書同中書門下平章
事昭文館大學士監修 國史上柱國儀國公琦撰
并書

愷字和仲余姪殿中丞公彥之次子母仁壽縣君張氏
愷天性孝謹勿識禮義讀書彊記而善屬文嘉祐三年
秋方應進士舉而兄確物故是冬其父病愷躬進藥劑
晝夜侍側不解帶者累月及父之亡也哀毀過甚不能
自抑既而感疾遂不可治五年四月二十二日卒時年

二十噫愷之所稟可謂粹美矣使天稍畀以年則其治
家也有不順而睦乎其得仕也有不忠而幹乎奈何乎
吾家之不幸而賦命之短也七年十一月二十九日因
余妻安國夫人崔氏之葬乃於相州安陽縣新安村
先塋東百步之近得地吉用丙穴以葬愷銘曰
秀而不實夫子之嗟哀哉愷兮遽如是邪

碑云愷字和仲余姪殿中丞公彥之次子又云乃于
相州安陽縣新安村先塋東百步之近得地吉用丙
穴以葬愷益附國華冢也方志載韓氏墓甚詳獨遺

愷墓賴有碑碣以存之耳

中州金石記

按韓琦撰文結銜有行刑部尙書史傳載嘉祐元年召爲三司使未至迎拜樞密使三年六月拜同中書門下平章事集賢殿大學士六年閏六月遷昭文館大學士監修國史封儀國公未嘗有行刑部尙書也宰輔表嘉祐元年八月癸亥韓琦自三司使加檢校少傅依前行工部尙書樞密使三年六月丙午自樞密使工部尙書依前官加同平章事集賢殿大學士監修國史是表之所有工部尙書傳并略之而碑之行刑部尙書表亦略之一系銜之微而碑與表傳互異若此

石林亭唱和詩

石高三尺九寸二分廣一尺九寸共十六行行二十七字正書顏題京兆唱和四字篆書在巖遊縣

石林亭詩

翰林侍讀學士尙書禮部郎中永興軍路安撫使兼知軍府事劉敞

朝廷入念返山林往不還念無高世姿聊處可否閒築基傲崔嵬鞭石輕險艱羣玉相磊落萬峯正孱顏種樹亦蒼蒼激流復潏潏潤活欵在眼崑閔若可攀自我嬰世網邇來鬢毛斑丘壑誠若喪簿書常自環及爾滅聞見曠如遠塵寰豈敢同避世庶幾善閉關子牟困懷魏

謝傅悲徂山茲焉可遺老詎敢終歲閑

次韻和

將仕郎守大理評事簽書鳳翔府節度判官廳公事

蘇軾

都城日荒廢往事不可還唯餘故苑石漂散尙人間

公來始購蓄不憚道里艱盡從塵埃中來對冰雪顏瘦
骨拔凜凜蒼根激潏潏唐人惟奇章好石古莫攀盡令
屬牛氏刻鑿紛斑斑嗟此本何常聚散實循環人失亦
人得要不出區寰君看到李末不能愛河關况此百株
石鴻毛於太山但當對石飲萬事付等閑

嘉祐七年十二月十五日 將仕郎守縣尉兼主簿

事李邵書

登仕郎試秘書省校書郎守鳳翔府麟遊縣令郭九齡建

按石林亭倡和詩刻在陝西鳳翔府麟遊縣今陝西通志古蹟不載石林亭其詩倡者劉敞和者蘇軾施注蘇詩編此詩在嘉祐六年辛丑十二月按東坡先生年譜不載此詩先生以六年十二月赴鳳翔任初到匆匆似不暇與安撫倡和况李邵書此詩在七年十二月十五日則詩亦當以七年作

恐原編或有誤也此詩題云次韻和劉京兆石林
亭之作石本唐苑中物散流民間劉購得之詩有
云唐人唯奇章好石古莫攀盡令屬牛氏刻盤紛
班班注引白樂天太湖石記云今丞相奇章公嗜
石於此物獨不謙讓東第南墅列而置之以甲乙
丙丁品之各刻于石陰曰牛氏石甲之上丙之中
乙之下按奇章公牛僧孺也劉敞字原父臨江新
喻人傳稱其累以識論與衆忤求知永興軍拜翰
林侍讀學士碑系銜有尚書禮部郎中稽之東都
事略及史傳皆略簿尉李邵縣令郭九齡無攷

昌黎五箴

石高三尺五寸六分廣二尺二寸四分二十四行行三十二字篆書

五箴 并序

昌黎韓愈

狄道李宗書

人患不知其過既知之不能改無勇也余生三十有八
季髮之短者日益白齒之搖者日益脫聰明不及於前
時道德日負於初心其不至於君子而卒為小人也昭
昭矣作五箴以訟其惡云

游箴

于少之時將來多能早夜以孜孜于今之時既飽而僥
早夜以無爲烏呼余乎其無知乎君子之棄而小人之
歸乎

言箴

不知言之人烏可與言知言之人默焉而其意已傳幕
中之辯人反以汝爲叛臺中之評人反以汝爲傾汝不
懲邪而嗷嗷以害其生邪

行箴

行與義乖言與法違後雖無害汝可以悔行也無邪言
也無頗舛而不舛汝悔而何宜悔而休汝惡曷瘳宜休

而悔汝善安在悔不可止悔不可爲思而斯得汝則弗
思

好惡箴

無諄而好不觀其道無諄而惡不詳其故前之所好今
見其尤從也爲比捨也爲讐前之所惡今見其臧從也
爲媿捨也爲狂維讐維比維狂維媿於身不祥於德不
義不義不祥維惡之大幾如是爲而不顛怖齒之尙少
庸有不思今其老矣不慎胡爲

知名箴

內不足者急於人知怖焉有餘厥聞四馳今日告汝知

名之法勿病無聞病其嗟嗟昔者子路惟恐有聞赫然
干載德馨愈尊矜汝文章負汝言語乘人不能掩以自
取汝非其父汝非其師不請而教誰云不欺欺以賈憎
掩以媒怨汝不曾悟以及於難小人在辱亦克知悔及
其既寧終莫能誠既出汝心又銘汝前汝知不顧辱則
宜然

大宋嘉祐八年春二月初吉

宣和六年三月既望男玠墓上石

姚彥刊

右昌黎五箴書之者爲狄道李崇山谷跋是書作李
康年又有李康年篆書心經跋云江夏李康年字樂

道是宋一名康年而樂道其字也東坡亦云江夏李
康年博學好名小篆尤精二公精于書法自應不爽
但此書似于肉勝略無清健瘦硬之氣乃山谷云樂
道白首心醉六經所著書章程句斷不類今時書生
晚悟篆籀下筆自可意直木曲鐵得之自然秦丞相
斯李少監陽冰不知去樂道遠近也得無張之太過
知名箴云昔者子路惟恐有聞赫然千載德譽愈尊
其解論與今絕異細思此解實爲有理是卽君子
恥聲聞過情之意也不知韓公論語筆解中亦作如

此箋註否

金石存

寂於宋不甚著名筆格方整可觀惜其有譎體處書家所不避也

關中金石記

按昌黎五箴據舊刻朱子校昌黎文集有不同者數處序文不能改無勇也集作是無勇也游箴于少之時集作余少之時既飽而僖集僖作嬉好惡箴無諄而好集作無善而好注云善方從杭蜀作悖此碑作諄是與杭蜀本同誤而不顛怖集作沛知名箴怖焉有餘集作需辱則宜然集作禍亦宜然注云禍亦方作辱則似方本多取石刻而朱子則從本集原文也此箴李宋以嘉祐八年書而男

玠以宣和六年上石耳玠無記跋不能知其摹刻
之由

妙德禪院明覺殿記

碑高五尺八寸廣三尺三寸七分
十七行行二十五字正書在耀州

耀州妙德禪院新修明覺殿記

朝奉郎尙書職方員外郎知同州軍州兼同州牧及
管內勸農事上騎都尉賜緋魚袋借紫雷簡夫撰
鄉貢進士劉口書

明覺禪師唐異僧也葬於泗而塔祠焉稱曰大聖泗之
南有淮水東注涉歷夏秋積雨入淮其水大漲波勢奔

激直衝泗州之城而城不被水害若陰神靈應庇護使
然天下談釋者皆曰大聖力也豈其然哉耀州城中有
佛廟曰妙德禪院僧智燈者嘗詣泗州叩請於塔下塑
像以歸於是設屋爲殿置像於中而庇覆焉曰其殿曰
明覺凡計瓦木工直已費三百餘萬皆燈能致之殿旣
成燈自耀來同請文於予曰耀之民久畏水災以明覺
常有功於泗我教以平等爲心俾又有功於耀使耀之
民事明覺也如泗之民又焉知明覺之功止於泗而不
及於耀也嗚呼耀州其城當漆沮二水之間每歲自初
春後民歛口增固捍提以禦水勢民亦勞矣而一歲之

間常恐恐乎飄溺又其危矣今燈者側此而有爲謂其
應驗決不欺可謂其靈莫測者也嘉祐八年六月一日
記

造明覺殿功德主沙門智燈立石

前口正僧口口

維口僧口口 口口口

狄道李口

仁宗飛白書帝字

碑高七尺一寸廣二尺七寸分上下截上截中書飛
白帝字左十七字右二十二字下截記十九行行二
十四字正書隸額
在能師縣都福寺

勅建大招福寺家佛堂

住持宗敬提點法口

帝

寶

賜進士翰林院學士陳

台山僧衆詣

陵祝白行禮酌奠化財

臣充友人陳口容甚母屈于緱氏之野聞使人來告
曰口不幸少孤今年春老母以天年終京師歸葬於
此未幾而 先皇帝棄羣臣遺制之來斬焉在喪

經之中無籍以通不得與於朝晡之臨招福寺昭陵
復土不得列於同軌之末拊心自悼聞則抱 賜

書以泣賜書者嘉祐八年正月 先皇帝遣中使

所賜 御飛白字也其下寶畫存焉泣已則又私
自念寺祝白君賜如是雖巾箱之秘神明所護非鏤
金石不足以久貧無以家唯先墓之廬有置錐焉將
刊諸琬礪爲不朽之觀俾千萬年子孫寔寵嘉之較
之夸鄉人以組負遺弓而號者不猶愈哉子狀吾意
臣詞讓不得命因應曰善恭惟 先皇帝之德在

臣民在草木在鳥獸其遺風餘烈在史官在宗廟在
曼世之傳其在筆墨文字者特其土苴緒餘雖然聽
政之隙不用之於田獵聲色而留意藻翰如是之精
非天縱之聖孰能與此哉陳口河南人少取進士弟

有名聲於朝而善爲文其拜賜也方爲祕書丞集賢
校理觀其意可知其人時嘉祐八年冬十一月十日
京西諸州水陸計度轉運使兼制置本路營田勸農
使朝奉郎尙書兵部員外郎充集賢校理輕車都尉
賜緋魚袋借紫臣吳充謹記并書舟

朝奉郎守殿中丞知河南府緱氏縣事騎都尉臣陳
知和題額

臣王易摸刻

碑上層爲飛白書帝字旁題云勅建大招福寺家佛
堂賜進士翰林院學士陳帝字下有寶畫下層爲吳

充記所述陳口喪母在家先帝棄羣臣因刊御書于先墓之廬也賜書者嘉祐八年正月亦見記中翰林作翰林尤前人所未有宋史本紀云至和七年幸寶文閣爲飛白書分賜從臣歐陽修歸田錄云仁宗萬幾之暇無所翫好惟親翰墨而飛白尤爲神妙也玉

海亦多稱仁宗飛白書

中州金石記

億按宋仁宗賜陳繹飛白帝字以充所記賜在嘉祐八年正月其刻在是年十一月蓋仁宗已升遐而繹追感立石于招福者也按大蘇集仁宗皇帝御飛白記爲王誨作亦以其父舉正慶歷中所賜端敏二字

刻石而傳之然則當時宸翰所頒爲世秘寶久矣飛
白字自唐以下余所收及者僅此是又可珍也吳充
題銜京西諸州水陸計度轉運使兼制置本路營田
勸農使朝奉郎尙書兵部員外郎充集賢校理輕車
都尉賜緋魚袋借紫證之宋史本傳惟云歷知陝州
京西淮南河東轉運使亦太闕略宜互證於此碑也
又與服志太宗太平興國二年詔朝官出知節鎮及
轉運使副衣緋綠者並借紫今銜名借紫之名由此
宋史陳繹傳繹開封人攷充所記乃云河南人又云
繹喪其母居於緱氏之野緱氏地亦近河南或上世

占籍開封而釋現居河南充故以此書之宜有據也

釋本傳為館閣校勘集賢校理刊定前漢書居母憂

詔即家警校今碑云為秘書丞集賢校理正相符

金石錄

韓國華神道碑

碑高一丈四尺廣六尺二寸三分三十四行行九十字正書篆額在安陽縣

大宋故太中大夫行右諫議大夫上柱國南陽縣開國

男食邑三百戶賜紫金魚袋贈開府儀同三司太師中

書令兼尚書令魏國公韓公神道碑銘 并序

推忠協謀同德守正佐理功臣樞密使特進檢校太

師行禮部尙書同中書門下平章事上柱國河南郡
開國公食邑六千八百戶食實封二千四百戶富弼
撰

翰林學士兼侍讀學士朝散大夫尙書吏部郎中知
制誥充史館脩撰判館事輕車都尉太原郡開國侯
食邑一千八百戶食實封二百戶賜紫金魚袋王珪
書

武寧章友直篆額

丞相衛國公使以書來告曰我先人没于大中祥符四
年春三月之甲申葬于慶曆五年春二月之己酉雖論

行有狀誌壙有銘載于史有傳施之幽顯不爲無述然
墓在吾里相州安陽縣之新安村有窆棺之碑存諸隧
公與我游又嘗陪議軍國於二府知吾家爲詳宜爲
我列先人事實刻于其上以表于道燦然使後世觀之
者曰此 有宋賢臣之墓可信不惑不待鉤考而後
見則吾志畢矣子曰諾按春秋晉侯有子食韓原其後
遂以韓命氏六卿裂晉自王又有以韓國爲氏者子孫
散適諸郡國其在昌黎者最爲著姓 公卽昌黎之
裔也達者歷世不絕遠祖徙居深州之博野四代祖曰
又賓事唐僖宗爲鎮冀深趙等州節度判官檢校太子

左庶子兼御史中丞時巢寇亂中原其帥王景崇檄諸
鎮兵大破之謀皆出於庶子庶子生二子其季曰昌解
於公爲曾王父終于真定府鼓城令鼓城生璆爲王父
少自力學工爲歌詩與晉人李崧徐台符深相善名重
一時任廣晉府永濟令避亂又徙居趙郡之贊皇台符
爲作詩哀其不達而終其詩甚悲崧乃以其弟之女妻
其子構卽公之考妣也考始居于相以文章稱尤妙書
奏諸侯府爭辟之能致之者卽一府口治嘗宰貝州之
清河始至與民約曰屈法擾人等事吾斷腕不爲惟思
利者爲若力之民於是大說然亦畏伏絲毫不敢犯歷

事周晉二代以世亂亦不得進入

宋藝祖平南

海徧選守臣乃命知康州未幾以太子中允卒于官公
漸顯累贈工部尙書有子四人公於次爲第三諱國華
字光弼幼而警絕鄉舉進士 太宗初口口平興

國二年甲秩授大理評事通判瀘州代還遷右贊善大
夫會 詔與相帥擇賢佐改彰德軍節度判官凡從
宦者率以鄉里爲難至則斂鋒鏑一煦以恩公時年尙
少處之氣益勁不爲少損有民李氏者怙富殺人乃厚
以賄州之上下爲汨其情將不寘於死公持之盡抉其
姦隱李卒弃市由是諸豪憚之疊足不敢動公每出按

嚮傲然未嘗妄視里人每置酒賭曰有見其左右顧者
飲之至罷去竟不得飲時國用方儉半倚關賦乃升秘
書省著作郎監上蔡稅以監察御史 召彈擊有稜
角巖然望高于臺閣屬 天子議復燕薊揣庭臣

曰安得勇而善辭令者爲我論高麗出兵西攻契丹以
分其力則吾事可不勞而集旣曰非韓某不可卽假以
太常少卿爲使公馳舸至其國其王負固不時奉

詔公坐館舍遣王書責以慢命且稱 朝廷威德

之盛諸僭僞悉已擒滅遂欲北取故疆以雪晉恥而委
王以方面者其意不已重乎王惟我中國是賴可以得

志諸口雖暫勤而衆寡王長世之利也今若不勉

天子怒一日大兵東出先誅不用命者如決海灌熇
火王其無悔王大恐奔走率職明日遣太相韓光元輔
趙抗領兵數萬度沮江以侵契丹且令光等率諸將詣
館門聽命公待以陪臣禮爲指畫方略銜勒而慰遣之
師期未集公又累與王書獎激礪使不得少愆復問
曰深入攻之邪姑挑戰也王報曰已深入矣公得其肝
膽遂復命

天子大喜拜右拾遺直史館

面

賜五品服章兼判登聞院入三司爲開圻推官公口開
圻司主出納三部文籍置推官其名不正宜更判事之

號等

詔改主判三司開圻司遷左司諫充鹽鐵判

官久之契丹大將蕭寧遣使叩雄州約和州將劉福信之以聞 天子因思高麗功立命公走雄州按其

事亦令代福作報書索其情偽寧之意欲我先發公固願息兵以養民然念國體不可屈書十餘反終不許復意其譎而有謀乃謝使者急令備邊還奏 天子

又大喜益愛其才故事凡曲燕五品以下官非諫館閣者不預時 燕侍臣于苑中公以在鹽鐵例罷史局不得入侍 天子特命直昭文館三司判官兼館

職自公始既又歷判鹽鐵度支戶部三勾院改左計司

判官主計者嫌其守口口口下密讒于

帝帝雅

信公卽日

詔摠判三勾賜三品服章仍令宰相召

于政事堂諭旨讒者大沮公圖報益自奮條三司不便
事二十七上之官民偕利後無以易者遂爲著法俄出
爲京東轉運副使卽拜峽路轉運使峽爲險遠一路官
俸薄不可責以廉公奏益之至今峽中官德公不已

真宗卽位入判大理寺自始登尙書秩至是凡五
遷爲職方郎中出知河陽徙潞州會契丹由梁門入寇
河朔分兵略太行其鋒甚銳潞人恐公以精騎屯吳兒
谷扼其奔衝賊遂不敢犯其境又率本道糧以餉朔軍

王師大濟

帝嘉之褒以璽書景德初契丹再寇

澶淵驟請脩好

朝廷以其多變詐使絕域者難其

人人亦憚其往故首命公假祕書監爲國信使江南飢
又遣巡撫專一道之政還 朝權開封府判官出知

曹州拜太常少卿徙泉州

天子封泰山擢爲諫

議大夫

召歸道病卒于建陽驛泉人聞之傾一州

來會哭久不忍去

朝廷舉卹典賜一子官所以慰

其旅竄也公儀相魁頤有偉量與人接坦然必盡其誠
不露形跡亦不設機鍵尤篤於孝友常恨祿不逮親居
多感涕凡俸賜悉分惠宗黨不問疎密姑姪數人孀且

老皆迎歸奉之以終其身又爲外姻之貧者畢嫁娶復
與營其生事教子令悉用經術而濟之以嚴法得任子
不與奏蓋欲使其自致也故諸子多能踐其世科公沒
後布衣者尙三人焉噫公年十九時已入官壽雖止五
十五而其閒從政者幾四十年可謂久矣事

兩

朝不懈夙夜

國家每有急難處必首被選委又在

計庭更八任不得解迹其所從來不爲不遇中外望歸
謂必大用 天子亦屢欲用之而公素方整守道

權倖者多不說故每爲其所閒而止公惟所任莫不竭
其力不以抑墜自憊而遂浮沈于時向若得所用如人

之所鑿者經綸設施布宣光昭其爲功德非古賢執與
校之哉娶羅氏諫議大夫延吉之女鄴王紹威之孫封
宜城縣君六男球湖州德清尉瑄將作監主簿琚司封
員外郎兩浙轉運使玃河陽司法叅軍璩祕書省著作
佐郎或自秬舉或由蔭授方以才名並進而不幸繼亡
琦相 仁宗皇帝被 遺制立 今天

子爲門下侍郎兼兵部尙書同中書門下平章事昭文
館大學士衛國公望臨天下勲冠列辟以公積德儲慶
所宜身享厚報然恨早世不克待其發而發于丞相丞
相以似以繼其傳之者可涯邪二女歸于衛尉卿高

口寧丞相貴累贈公與祖尙書曾祖永濟三代並太師
中書令兼尙書令又啓魏燕冀三國皆追封爲公妣羅
氏祖妣李氏曾妣史氏亦以魏燕齊三國追封爲太夫
人銘曰

士孰不官 公官獨難 使臨東夷 跨海渺漫 指

麾出師 勢分狄患 王始倔強 恃遠且艱 視詔

抹刺 不奉以虔 公怒移書 以何以言 口以禍

福 日星之觀 王雖島酋 聞義惕然 發兵餽糧

革頑易慳 對盧尋陸 伏命館門 能俾遠夷

舉國奔職 不憚已勞 不畏隣隙 又俾強虜 欽

其毒螫 二邦曰公 一舉斯得 繼走朔陞 議收
戈戣 坐策立判 虜姦不施 不爲其欺 國不挫
威 兩使外禦 天子再怡 益之衆美 大用是宜
而卒不用 讒人之爲 復不永年 道卒遐裔
與考同之 勤官攸致 位不都躬 萃于幼嗣 日
將日相 勲德名世 本支原流 公得何異 何以
畀之 天相其類 天實使然 人亦靡然 口口口
然 其昭昭然

嘉祐八年十一月十四日建

中書省玉冊官王克明寒億刊

案碑後載國華娶羅氏諫議大夫延吉之女鄴王紹
威之孫封宜城縣君据魏公爲太夫人胡氏墓誌云
夫人父諱覺始仕孟氏名在朝籍乾德三年太祖平
兩川例遣歸闕生夫人於京師久之不得調卒夫人
從母李氏適故秦王牙吏王慶王被譴左右皆得罪
家族無依遂以夫人歸於太師是胡氏爲諫議側室
又生魏公於泉州亦當以附書然富公撰碑獨不稱
者亦以嫡統之金石正例也若懶真子云國華嘗仕
於蜀蜀中士人胡廣善相術與魏公所述名覺者異
又胡覺旣亡歸夫人於韓氏實不自覺而懶真子

傳聞之詞不足据依予故附此爲辨之以見野聞不可信如此後載武寧章友直篆額友直見二體石經周禮殘碑有其名皇宋書錄章友直字伯益又引國朝會要云嘉祐六年二月一日國子監言草澤章友直篆石經畢詔補將作主簿友直自以不願仕進免官乃賜銀百兩蓋其人辭榮守約不以莖自銜故得其所篆於此額尤爲可尚篆額例與撰書人並列友直獨自居於後當以草澤自安也

安陽縣志

按此乃韓魏公琦之父碑也撰者富弼字彥國河南人宋史宰相表嘉祐八年四月英宗卽位五月

戊午授弼樞密使檢校太師行禮部尙書同平章
事與碑系銜合傳則但言召爲樞密使餘官及河
南郡公俱不載書者王珪傳載字禹玉成都華陽
人後徙舒累官知制誥知審官院爲翰林學士知
開封府遭母憂除喪復爲學士兼侍讀學士碑所
系尙書吏部郎中充史館修撰不見于傳碑立于
嘉祐八年十一月韓琦以英宗嗣位爲仁宗山陵
使加門下侍郎封衛國公其時尙是嘉祐八年碑
文首云丞相衛國公使以書來告云云是也若進
封魏國公在治平元年五月皇太后還政之後拜

右僕射之時此碑標題不知何以云魏國公也文中與國華本傳校略有不同者升祕書省著作郎傳作著作佐郎出爲京東轉運副使傳無副字天子封泰山擢爲諫議大夫專作右諫議大夫六男球瑄琚琬璩琦而傳不錄球瑄傳云改兵部員外屯田郎中京東轉運使碑不載員外郎中兩官又碑云拜峽路轉運使傳則誤作川陝路官蓋陝峽二字易訛傳云加都官郎中入判大理寺碑不載都官郎中此皆碑傳互異者也碑所載使高麗事在雍熙三年語與高麗傳合而韓光趙抗領兵度

涇江等事則高麗傳略焉契丹蕭寧叩雄州約和
事國華本傳在淳化二年而劉福傳不載信之以
聞之事餘俱碑傳大同碑載公之四代祖又資以
下及公之考構歷世事蹟詳見魏公安陽集自撰
重修五代祖塋域記大致與此同不具錄據碑國
華以大中祥符四年卒慶歷五年葬至是嘉祐八
年立碑蓋卒後三十四年而後葬葬後十八年而
後立碑宋時風尚如此若唐人無是事也

金石萃編卷一百三十六

賜進士出身 諱長光祿大夫刑部右侍郎加七級王昶撰

宋十四

畫錦堂記

碑高八尺八寸六分廣四尺八寸四分十八行行三十九字正書篆額在安陽縣

端明殿學士尙書禮部侍郎蔡襄書丹

尙書刑部郎中知制誥邵必題額

仕宦而至將相富貴而歸故鄉此人情之所榮而今昔之所同也蓋士方窮時困阨閭里庸人孺子皆得易而侮之若季子不札於其嫂買臣見棄於其妻一旦高車

駟馬旗旄前而騎卒擁後來道之人相與駢肩絜迹
瞻望咨嗟而所謂庸夫愚婦者奔走駭汗羞媿俯伏以
自悔罪於車塵馬足之間而莫敢仰視此一介之士得
志於當時而意氣之盛昔人比之衣錦之榮者也惟

大丞相衛國公則不然公相人也世有令德為時名卿
自公少時已擢高科登顯仕海內之士聞下風而望餘
光者蓋亦有年矣所謂將相而富貴皆公所宜素有非
如窮阨之人侥幸得志於一時出於庸夫愚婦之不意
以驚駭而夸耀之也然則高牙大纛不足為公榮桓圭
衮冕不足為公貴惟德被生民而功施

社稷勒

之金石播之聲詩以耀後世而垂無窮此公之志而士亦以此望於公也豈止夸一時而榮一鄉哉公在至和中嘗以武康之節來治於相乃作畫錦之堂于後園既又刻詩於石以遺相人其言以快恩讎矜名譽為可薄蓋不以昔人之所夸者為榮而以為戒於此見公之視富貴為如何而其志豈易量哉故能出入將相勤勞

王家而夷險一節至於臨大事決大議垂紳正笏不動聲氣而措天下於泰山之安可謂社稷之

臣矣其豐功盛烈所以銘彝鼎而被絃歌者乃邦家之光非閭里之榮也余雖不獲登公之堂幸嘗竊誦公之

詩樂公之志有成而喜為天下道也於是乎書尚書吏部侍郎叅知政事歐陽脩記

治平二年三月十三日 太子賓客知相州趙良規立石 潯陽卷億刊字

蔡君謨妙得古人書法其書畫錦堂每字作一紙擇其不失法度者裁截布列連成碑形當時謂百衲本

故宜勝人也

廣川書跋

畫錦堂在鼓樓西順治間掘地得是碑今移城東南隅祠內端重嚴勁絕類魯公尙有醉白堂記韓魏公

先塋碑惜未寓目

金石續錄

右畫錦堂記文稱大丞相衛國公按韓忠獻於皇祐
中封南陽郡開國公嘉祐中入相進封儀國公英宗
嗣位改衛國公後又改魏國公碑立于治平二年三
月猶稱衛國則魏國之封當在其後宰相表于治平
元年閏五月己書魏國公者誤也此記俗本亦誤作
魏蓋後人不知忠獻嘗封衛公而以意改之耳

潘所
堂金

石文
跋尾

此宋韓琦以丞相判鄆郡建于居第者也琦第別有
榮歸虛心二堂其後曾孫肖胄守相又建榮事堂襄
字方正爲一代絕手此碑尤名于時乃別體不乏寫

功从刀矜从子學書者宜棄其短也

中州金石記

案皇宋書錄學宮刻畫錦堂記相州元刻云書丹而此本聞諸老先生云以墨跡撫於石今碑題蔡襄書丹正與書錄符及覽河朔訪古記云庭西畫錦堂記碑一通至元間再摹而刻已非舊觀矣然碑仍稱書丹與相州元刻合蓋當時必有舊拓本規度於石近時人多以忠惠之跡溢美不容於口故爲揭其所自

以昭真賞云

安陽志

按畫錦堂記歐陽脩撰文忠公集與宋文鑑皆載此記今取以互校有不同者而莫敢仰視歐集無

此五字原注云一有此五字得志於當時集無於
字原注云家本有於字然則高牙大燾集亦作大
燾原注云一作旆不動聲氣集作不作聲色原注
云一作氣此碑與集之不同也昔人比之衣錦之
榮者也文鑑無者字僥幸得志於一時文鑑無一
字蓋不以昔人之所夸者爲榮文鑑無之字此碑
與文鑑之不同也魏公以觀文殿學士拜武康軍
節度使知并州久之求知相州嘉祐元年召爲三
司使未至迎拜樞密使記所謂公在至和中嘗以
武康之節來治於相乃作畫錦之堂于後園計其

時當卽在至和元年至嘉祐元年卽內召矣其後以嘉祐六年閏八月遷昭文館大學士監修國史封儀國公至嘉祐八年四月進封衛國公歐公亦以嘉祐六年閏八月除參知政事蓋同知政府兩年始作此記記後又兩年相人始刻于石也書丹者蔡襄史傳但載其乞爲杭州拜端明殿學士以往不言其官尙書禮部侍郎東都事略則云襄召拜翰林學士三司使英宗親政數問大臣襄如何人因襄數請告英宗曰三司事務繁多襄久在病告何不更用人後夏人犯邊又曰軍須未備三司

當擇人襄聞之不自安遂求知杭州卽拜端明殿
學士遷禮部侍郎知杭州此碑系銜無知杭州字
則書此碑當在治平元年未知杭州以前矣篆額
者邵必史附邵亢傳亢之從父澠池編云丹陽人
字不疑舉進士爲上元主簿國子監立石經必今本
宋史此下皆作缺善篆隸召充直講選爲唐書編修官累
爲京西轉運使入修起居注知制誥碑系銜有尙
書刑部郎中則傳所略書畫跋跋謂刻碑須書丹
乃神若係百衲不知若何入石如用朱填則益失
眞云云可知明時上石不知用雙鉤之法也若如

今時就墨跡上用墨筆雙鈎再用朱筆描其背由
是上石不致失真且于墨本不損雖百納無傷矣
惟字經百納則有雜湊之迹而失顧盼之神未爲
佳耳

宋球玉華山詩

石橫廣四尺七寸五分高二尺五寸七分
二十九行行十七字正書在鄜州宜君縣
留題玉華山詩

西河吳上之書

太常博士簽書坊州判官事矣球

玉華山

玉華山來自何處
巉巖拔立陵紫煙
上有干雲切霄之
蒼松下有迸崖激壑之清泉
長河西來韜山足
燐火白日明峯巔
浮嵐暖翠入窓戶
六月殿開風冷然
我來豈暇弔古迹
俛仰但喜遺跡喧
神魂澄澈耳目醒
如脫世故遊神僊
平明却入俗塵去
回首煙蘿羞滿顏

玉華寺

一逕入雲壑
遊人高下行
綠蘿垂紺纒
屏壁削層城
山氣蒸衣濕
松風灑面清
野僧遺萬事
飽聽石泉聲

次韻奉和

國子博士知坊州軍州事張道宗

玉華山

玉華山形鬱峭崿白晝莽蒼常生煙近村百家濕翠黛
陰崖千尺淙寒泉山根宛轉抱河曲河流倒影浸碧巖
文皇性熱不奈暑當時宮此安徒然得非遍選天下勝
莫如茲地無煩喧暫遊已駭非俗骨久駐直恐成真仙
何當借得神畫筆霜絹十幅圖孱顏

玉華寺

殿閣依山古尋春閑客行誰知唐帝館今在梵王城禾
黍傷時變松篁入夜清惟餘碧巖溜依舊昔年聲

治平三年四月一日文林郎試秘書省校書郎守宜

君縣尉兼主簿張詢立石 鄜州李玉鐫

宮在縣西三十里唐書地理志貞觀二十五年置玉

華宮宮在縣北四里鳳皇谷永徽四年廢為寺舊云

縣有玉華山宮以山名據此知山實以宮名也金於

此置玉華鎮書史會要冀上之字冠卿西河人楷書

師歐陽率更關中金石記

張詢玉華山詩

石橫廣三尺三寸五分高二尺
一寸十五行行十四字正書

玉華山詩

著作佐郎樊陽張詢子堅

河東箕上之書

玉華山誰窮遠近百里廻旋勢方盡削成蒼玉倚青天
氣象軒軒獨奇俊黃河哮颺摧崑崙一峯飄落如龍蹲
白雲低垂半巖腹茫茫日輪平地奔驚湍瀑流飛辟歷
松根巉巖裂石壁洞門晝閉不知深仙人瓊漿滿杯碧
飢颺啼煙猿嘯風子規聲哀愁滿容山鳥嚶嚶繞喬木
唯有黃鸝鳴嗒嗒翠華迢迢來避暑飄然陵雲欲輕舉
當時此地最清涼九成翠微不足數玉峭聲斷宮殿閑
大龍飛去騎難攀川巒如舊人事變但見明月留空山

治平丙午五月望

游玉華山記

石橫廣四尺一寸五分高二尺七寸五分三十四行行二十四字正書

繇宜君縣西南行四十里有山夾道而來者玉華也其南曰野火谷有石常然望之如爨煙而莫知其所自也野火之西曰鳳皇谷則唐置宮之故地也蓋其初有九殿五門而可記其名與處者六其正殿爲玉華其上爲排雲又其上爲慶雲其正門爲南風南風之東爲太子之居其殿曰耀和門曰嘉禮知其名而失其處者一曰金鷄門也今其尺垣隻瓦無有存者過而覽之但見野田荒草而榛荆也其西曰珊瑚谷蓋嘗有別殿在焉珊

湖之北曰蘭芝谷昔太宗詔沙門元奘者譯經於此其始曰肅成殿後廢而爲寺云中有石巖嶄然有成下有鑿室可容數十人有泉懸焉勢若飛雨有松十八環其側皆生石上高可十尋端如植筆其西且南有崖曰駐鑿其始入也雙壁屹然如削石而成既至其處若視墮側有泉飛而下如懸布如噴珠其名曰水簾稍北有崖與泉亦若是而差小焉治平三年夏五月丁巳余與六人者來游乃相與坐石蔭松聽泉而飲之已而覽故宮以裘裋問遺事於田老方囁然不欲歸而余與六人者或有官守或有事牽其勢不可久留既宿而遂去然而

相視有不足之色余爲之言曰夫山林泉石之樂竒偉
之游常在乎窮僻之處而去人迹甚遠故必爲野僧方
士與夫幽潛之人所據而有也然幽潛之人知好之而
力不足以管之惟佛老之說可以動人故其徒常獨有
力而危亭廣廈眺覽之娛莫不爲其所先也夫以有唐
之盛窮天下之富建宮於此隨而廢沒而杜甫乃其時
人過之且有悲傷之感至或形於歌詩獨寺僧之徒更
相傳而不息迄于今而尙存則雖天下之力亦有屈於
此歟以太宗之賢致治之美宜其愈久而彌傳也今問
諸遺老無所稱道而彼元英者特一浮屠耳然說者至

爲荒怪難知之語以增大其事豈人之情常樂於放僻
而易忘於中正哉又豈物之盛衰廢興亦各有時而此
特其盛時也歟斯可爲之歎息也若夫太宗之賢天下
之力猶不能長有此也則吾曹可以一寓目而足矣又
何必以不久留爲恨哉然荒崖窮谷之崎危發宮頽址
之蕭條雖累歲月未嘗有一二人游焉而余與六人者
同時而來亦可謂之盛哉六人者余兄子堅弟崕與太
原石繼和公美河東郎几康伯溫陵陳說君豫西河冀
上之冠卿也壬申熒陽張縉子望記上之書 李玉鏞

按元一統志玉華山在宜君縣西南四十里有唐

建玉華宮宋雍熙初於此獲一角獸時以爲麟又
野火山在縣西南七十里卽碑所謂野火谷也碑
又云野火之西曰鳳皇谷則唐置宮之故地也其
西曰珊瑚谷蓋嘗有別殿在焉珊瑚之北曰蘭芝
谷沙門元奘譯經於此宜君縣志蘭芝谷在縣西
五十里嘗產蘭芝故名鳳皇谷在縣西南五十里
昔有五色雀見于此元奘譯經已詳唐碑聖教序
跋茲不贅玉華宮制度見冊府元龜已詳前卷惟
碑所稱其殿曰耀和冊府元龜曰暉和爲異唐書
地理志宮在坊州宜君縣北四里此碑則云宜君

縣西南四十里爲玉華山其南曰野火谷谷西曰
鳳皇谷唐宮之故地則與唐書云縣北四里者不
合疑唐時縣治別也宜君縣唐屬坊州今因元明
之舊屬鄜州撰記者張緝字子望前碑作詩者張
响字子堅其兄也皆滎陽人無傳可攷前詩作于
治平丙午五月望蓋三年也此碑以治平三年五
月丁巳來遊壬申作記距遊之後十六日矣據遼
史朔考是月甲寅朔初四日丁巳十九日壬申是
作記在作詩之後四日也

涪溪題記十九段

石橫廣一尺八寸七分高一尺四寸
八行行六字隸書在永州府祁陽縣

湖南轉運判官毛田郎中沈紳治平四年承春丙子訪

洛谿元子次山故居讀中興頌岢臺中堂右堂三銘瀟

琬侍行

又石高二尺二寸八分廣一尺
六寸八分五行行八字正書

宋昭邈遵道李公度唐輔張處厚德甫徐騏及之鞏周

固道周漸彥升同遊浯溪熙寧二年十月二日

又石高二尺七寸五分廣一尺
五寸八分四行行十字正書

浯溪

熙寧六年癸丑十月十九日尙書都官員外郎通判永

州柳應辰全家遊此

又二行行十五字行書

予自上元促運江上至是凡十過此時元祐丁卯孟夏

中休頰水陳宏公遠記

又橫廣一尺六寸高七寸六行行二字正書

會稽蔚宗登此熙寧甲寅正月

又橫廣一尺九寸六分高一尺四寸九行行六字行書

胡羯自于紀唐綱竟不維可憐德業淺有愧此碑詞

米黻南官五年求便養得長沙掾熙寧八年十月望經

涪溪

攷元章生於皇祐辛卯至是纔二十五歲筆力縱勁

小技亦由天授也

潛研堂金石文跋尾

又

橫廣一尺五寸五分高一尺四寸五分七行行五字正書

不能歌不能吟瀟湘江頭千古心全家來游七日而去

熙寧丙辰歲柳應辰書

又

石高一尺九寸一分廣一尺七寸九分六行行六字左行行書

陶輔佐臣子遵梁立儀定國子格之同遊黃竦子莊期

而未至元豐四年辛酉口月壬戌日題

又

石橫廣三尺一寸高二尺七寸五分九行行八字行書

會稽錢岳紹聖二年八月十一日過永州祁陽縣觀顏

魯公所書元次山撰唐中興頌磨崖碑同明府陳行通
中宮寺新禪師登唐亭晤臺游浯溪遂汎舟清湘自衡
潭北歸都下識之

又石高二尺八寸廣二尺
一尺五寸五行行七字行書

宛亭蓋士口罷守零陵道口浯溪因率邑令戴字中儒
林同遊時大觀庚寅仲夏廿三日題

又石橫廣三尺五寸高一尺
五寸七行行四字行書

白雲居士李伯魚自清湖北歸携家遊浯溪大觀庚寅
孟秋十八日題

又石高二尺九寸五分廣一尺四寸三
篆字書中問餘字正書分寫兩旁

齊相龕

河口薛公度施口浯溪寺口奉無相大士紹興二年以

月望日

又石高一尺六寸五分廣一尺三寸五分五行行十字隸書

河間劉堯自紹興戊辰得官茲邑迄丁丑歲三來于此

竟未能去十載之間奔馳往返江山如故每一登覽重

增感慨云季夏七日

又石橫廣二尺高一尺四寸五分六行行七字正書

河內李元老被命假守清湘挈家來游紹興戊寅中

冬十六日書勇者明者厚者勲壻鄭种侍行

又石橫廣一尺八寸高一尺五寸五分八行行九字行書

開封趙彥櫛被 命持節廣右道由浯溪拭目中興磨崖碑頌遐想元顏二公風烈徘徊久之三歎而退時嘉泰甲子季秋二十日客晉陵馮祖德同遊男炬夫焯夫侍 住山妙應上石

又石高三尺廣二尺四寸六行行九字正書

趙必愿假守清湘道出浯溪拜 二公之祠敬觀 先君吏部遺刻整整一紀歲月易流不勝感慨竹洲洪口成同行寶慶丁亥四月三日

又石高一尺三寸二分廣一尺一寸七行行七字正書

諱沙凌攀龍因省兄宰浯溪以淳祐庚戌仲冬六日携
子斯義同藍田子九江柯鏐銓鑰金歷陽丁必達來遊
口三吾主人慧圓

又石高三尺廣二尺二寸八分
五行行七八字不等正書

咸淳戊辰中穉京兆楊履順借廬陵周士模寶峯胡興
祖劔門黃晉孫來遊姪口孫子益孫侍

又石高一尺七寸六分廣一
尺六寸六行行八字正書

咸淳辛未重陽桂人唐復赴武安書記泊舟浯溪甥文
益壻蔣棟琴軒唐震之同遊二子寧生康生從子真玉
次元侍

按浯溪題記十九段綜其姓名得五十一人有可
攷者五人柳應辰見宋詩紀事武陵人寶元元年
進士仕至尙書都官員外郎永州通判容齋五筆
稱浯溪石上有大押字題云押字起於心心之所
記人不能知大宋熙寧十年甲寅歲武陵柳應辰
仍有詩云浯溪石上大江邊心記閑將此地鐫自
有後人來屈指四千六百甲寅年詩意不知所謂
今搨本未見據熙寧丙辰歲所題不能歌不能吟
瀟湘江上千古心與此正相類也此題熙寧六年
癸丑明年卽是甲寅乃熙寧七年容齋作十年者

傳寫誤也會稽蔚宗蔚姓不見於氏族陳繼儒太平清話有錢塘關蔚宗景仁弟廬州使君也平生好事多蓄書畫游宦交廣米芾海岳名言又稱其金陵幔山樓有題榜疑卽其人偶不署姓耳米黻題五言一絕記云南官五年求便養得長沙掾熙寧八年十月望經浯溪據史傳米芾字元章吳人

宋詩紀事云襄陽人

以母侍宣仁后濟邸舊恩補合光尉歷

知雍邱縣漣水軍太常博士知無爲軍召爲書畫學博士擢禮部員外郎出知淮陽軍卒是未嘗爲長沙掾也黃潛筆記云元章自署姓名米或爲芾

芾或爲徽史作米芾此題作米徽無疑卽一人芾
年四十九宋史紀事稱其官淮陽軍在大觀二年
其母嘗侍宣仁后在仁宗末年則芾之官長沙便
養母當在神宗時此題熙寧八年正卽其時也由
大觀二年逆推至熙寧八年約三十餘歲則官長
沙掾不及二十歲年幼官卑史文從略又據潛研
跋謂元章生于皇祐三年辛卯則熙寧八年爲二
十五歲至四十九歲爲元符二年則其官淮陽軍
不應在大觀二年宋史紀事恐誤史傳但云歷知
雍邱縣則長沙掾曩括于歷知一字中矣宗室傳

趙彥捕字文長悼王七世孫慶元初出知晉陵縣
擢監登聞檢院出知汀州遷廣西提刑入爲戶部
侍郎遷湖廣總領知平江府轉寶謨閣待制卒此
題云被命持節廣右當是遷廣西提刑時也甲子
爲嘉泰四年趙必愿亦宗室也字立夫廣西經略
安撫崇憲之子丁父憂居喪盡禮貽書問學于黃
榘服除差充兩浙運司主管文字再考特差充提
領安邊所主管文字差知全州陸錚乞下道江二
州訪周惇頤之後此題卽其時也云敬觀先君吏
部遺刻者謂其父崇憲安撫廣西時過此留題也

今搨本亦未見丁亥爲寶慶二年餘俱無攷

白龍池題記二十一段

石高二尺七寸五分廣二尺一寸五分六行行八九字正書

入內供奉官李舜舉被命禱祀帝岳奉香勝槩於

壽聖即日先款青帝宮次詣白龍潭治平四年題

書吏李恭從行

又石橫廣四尺八寸高三尺四寸五分八行行五字正書

克守劉袞奉詔祈雪于岱宗登絕頂翌日謁白

龍池之祠元祐丁卯孟春初四日奉符令林會題

又七行行二字左行正書

面自百丈泉烹茶鼓琴以終清興

又石高六尺三寸廣一尺四寸
二行一十字一八字正書

貫道建欄於此以便遊者元祐丁卯正月八日

又石高三尺四寸五分廣三尺
二寸五行行四五字行書

山陽龔燕黨被漕檄榷宰奉高因率兒姪輩遊此元

祐庚午中冬十一日

又石高三尺九寸五分廣二尺
四分五行行十一字正書

汴陽元永居士任紹承祖朝嶽罷同青帝觀主楊若

冲遊太平頂回瞻視白龍池聖跡時大宋紹聖三年二

月十五日謹題

金石錄卷一百三十六
又白龍池二大字磨崖橫書下橫廣七尺二寸高二尺七寸又一方橫廣二尺七寸高一尺四寸四行
行二字並
左行正書

白龍池

德充忠玉國寶文仲紹聖丁丑三月九日

又石高二尺七寸餘廣一尺五寸五分三行行六字正書

范陽正輔拜遊同魯國景元至丁丑三月廿六日

又石高二尺七寸廣一尺五寸五分三行行六字五字左行行書

東之丁丑十一月口日遊南正同至

又石高四尺一寸廣二尺三寸三行行七字左行行書

元符庚辰七月晦趙習之徐安國弟居仁孫正仲同遊

又石高二尺七寸五分廣一尺七寸餘四行行五字左行行書

韓存中點檢岳祠修造同王濟之一游庚辰十月廿七日

日

又石高二尺七寸五分廣一尺九寸五分四行行五字六字左行正書

皇甫偁徐端朝孫口同游建中靖國元年三月廿六日

題

又石高二尺七寸五分廣一尺九寸五分五行行七字左行正書

奉符令李珪因捕蝗恭謁 白龍祠男彙侍行崇寧壬

午孟秋初七日

又石橫廣二尺八寸三分高二尺七寸三分題記二
此在右偏四行行七字行書其左偏元康兄題記

深觀 董元康政和甲午重九日樊家來遊質贄賁侍
行

又 三行行四字六
字左行正書

自恭觀元康兒甯字政和乙未孟冬二十日

又 石高二尺七寸三分廣二尺三
寸五分四行行六字左行行書

長清董自恭謁 白龍池之祠罷酌泉石上時乙未孟

冬中澣日

又 石高二尺七寸五分廣二
尺四寸五行行七字正書

莆陽陳國瑞子玉恭謁 白龍池之祠俯洞酌泉少憩

而邁政和丁酉夏前二日

又石高二尺七寸三分廣一尺五寸四分四行行六字左行行書

李顯道張公美李仲與張去塵庚子孟夏十九日同遊

池上

又石高二尺七寸一分廣一尺五寸三分四行行五字左行行書

姜子正子方李晉道劉言可才文林同來庚子四月

又石高三尺二寸七分廣二尺二寸七分三行行六字七字左行行書

鄆城李儂弟俊姪贛隨侍遊此癸卯季春廿八日

又石高二尺七寸廣一尺四寸二行行五字正書

許大希祈雨取水嘗至此

右在嶽西傲來峰下白龍池石壁上平廣記二十餘

文書曰龍潭口白龍池並大字其旁皆宋人題名尙未刊缺錄之得十五首其文略無重複自治平迄宣和六十年間人名字亦可以想見當日太平之盛而金元以降游遭兵火名山奧區委之榛莽無復有題名者矣

金石文字記

右刻均在白龍池雙崖對峙南曰三元石北曰元圭石宋人題刻殆遍顧氏所采十五首皆在北崖之陽顯而易見者近來錢唐江鳳彝復搜得正書十六首均在南崖之陰幽暗陡險游跡罕至自熙寧迄政和內無年月者三首較顧氏所得又過之可見金石彝

求必由好古者親歷其地抉苔剔蘚而得之但憑工人攀拓所及往往十失五六是可慨矣

金嶽泰山志

按白龍池在岱岳西南麓泰安縣志云白龍池上有淵濟公祠旱禱輒應宋祥符中封白龍爲淵濟公建祠于此此題名中所謂白龍祠祈雨取水者是也題名徧南北兩崖金石文字記得十五段泰安縣志增補十四段合之得二十九段山左金石志所得搨本二十八段泰山志共搜得三十一段最爲詳備今祖所得搨本祇二十一段餘皆工人失搨者其文並見諸書所載茲不復補錄從其

實也綜計二十一卷之中題名姓氏得四十四人
內但署名而不署姓者八人無從詳攷其餘有可
攷者入內供奉官李舜舉見宋史宦者傳字公輔
開封人世爲內侍曾祖卽神福也仁宗時舜舉出
爲秦鳳路走馬承受英宗立奏事京師此題治平
四年被命禱祀帝岳奉香勝槩於壽聖節日先欵
青帝宮次詣白龍潭英宗本紀帝以正月三日生
卽位之初以生日爲壽聖節治平三年十一月戊
午帝不豫十二月乙未宰相祈于天地宗廟社稷
史雖不言禱于嶽瀆山川據此題必因不豫而禱

祀於帝岳也英宗以四年正月丁巳崩是月庚戌朔丁巳是初八日在壽聖節後而舜舉之禱祀尙應壽聖節也徐安國見孟宗寶洞霄詩集號春渚未詳其貫嘗題一詩于大滌洞而不詳何年未知與此所題之徐安國卽一人否也刁文叔見宋詩紀事云不知其名張橫浦子韶之友橫浦心傳錄載其春日旅中一絕句謂思致尤遠不止工也然亦未知卽此題之刁文叔否餘俱無攷

溫泉箴

石橫廣二尺八寸四分高二尺七分
十八行行十四字正書在臨潼縣

溫泉箴

唐燕國公張說

虞部員外郎楊方平書丹

東山少連曰元冥氏之子曰壬夫安祝融氏之女曰丁
辛俱學水仙是爲溫泉之神焉帝命之救萬靈盪滯結
臍藏達膚腠泄下人多賴上帝是崇有飛廉氏之佚女
妬之常欲大恩其功故入溫泉必齋以酒心戒以防患
恕以利物含生之疾我願除祗二神嘉之吹湯激邪珠
連漚累滴汨揚華此其効也若入溫泉僻心穢行惡口
淫形居食失節動出躁輕二神醜口不匡人命飛廉佚

女以裾斃人是走疰芒風瘍眩糊之病夫有意之醫照
台神理無恒之醫身為慾使莫之益傷之者至矣是以
君子慎其微也

治平丁未孟冬湖縣令尹光臣立石

呂義山子居至山子口同趨甘棠趙洋聖謨送別于
此就浴溫泉而去元祐戊辰冬十二月十一日

按溫泉在臨潼縣東南驪山下泉上有溫泉宮天
寶六載更名華清宮宮有湯井爲池唐帝皆嘗遊
幸元宗特侈此箴爲唐張燕公所作至治平丁未
縣令尹光臣重刻也丁未爲治平四年書者楊方

平史無傳

義田記

碑二石各高五尺許廣四尺許共三十二行行二十
一字正書左下角空處刻文英跋亦正書在蘇州天
平山范文
正公祠

晉陵錢公輔謨

吳興趙雍書

范文正公蘇人也平生好施與擇其親而貧疎而賢者
咸施之方貴顯時於其里中買負郭常稔之田千畝號
曰義田以養濟羣族族之人日有食歲有衣嫁娶凶葬
皆有贍擇族之長而賢者一人主其計而時其出納焉

日食人米一升歲衣人一練嫁女者錢五十千娶婦者二十千再嫁者三十千再娶者十五千葬者如再嫁之數葬幼者十千族之聚者九十口歲入粳稻八百斛以其所入給其所聚需然有餘而無窮仕而家居俟代者預焉仕而之官者罷其給此其大較也初公之未貴顯也嘗有志於是矣而力未之逮者二十年既而爲西帥以至於叅大政於是始有祿賜之入而終其志公既歿後世子孫至今修其業承其志如公存也公雖位充祿厚而貧終其身歿之日身無以爲歛子無以爲喪惟以施賢活族之仁遺其子而已昔晏平仲弊車羸馬以朝

陳桓子觴之曰君位之上卿祿之百萬而樊車羸馬是
隱君之賜也晏子曰自臣之貴父之族無不乘車者母
之族無不足於衣食者妻之族無凍餒者齊國之士待
臣而舉火者三百餘家如此爲隱君之賜乎彰君之賜
乎於是齊侯以晏子之觴而觴桓子子嘗愛晏子好仁
齊侯知賢而桓子服義也又愛晏子之仁有等級而言
有次序也先父族次母族次妻族而後及疎遠之賢孟
子曰親親而仁民仁民而愛物晏子爲近之今觀文正
公之義其與晏子比肩矣然晏子之仁止於生前而文
正公之義垂於身後其規模遠舉又疑其過之嗟乎世

之人都三公位享萬鍾祿其邸第之雄輿馬之盛聲色
之侈妻孥之富止乎一己而族之人不得其門而入者
豈少哉況於施賢乎其下爲卿爲大夫爲士而廩稍之
充奉養之厚足乎一己而族之人搯壺瓢爲溝中瘠者
又豈少哉況於闕人乎是皆文正公之罪人也公之忠
義滿朝廷事業滿邊陲功名滿天下後必有良史書之
者予可無書也獨書其義由以警於世云

舊本刻于天平山忠烈廟中有脫簡文英庚午歲任
湖州安定山長求趙文敏公子仲穆書此本謹刻于
書院忠厚堂之前庶以永其傳龍集至正庚寅孟秋

七月望日主宗祀八世孫文英識 裔孫伯仁摹勒

按此碑撰者錢公輔書者趙雍宋史公輔傳字君倚常州武進人仁宗朝累官知制誥英宗朝累知廣德軍神宗立拜天章閣待制知鄧州復知制誥與王安石異議出知江寧府徙揚州以病乞越改提舉景福觀卒計其歷官似距文正公卒後二十年碑不署銜疑爲後人所刪文不著何年所作据范忠宣公以義莊規矩奏請于朝劄付蘇州在治平元年似公輔撰文亦在是時趙雍爲孟頫之子元史附見孟頫傳但云子雍以書畫知名不詳其

歷官元詩選稱雍字仲穆夙慧有父風以蔭守昌
國海寧一州歷官翰林院待制書譜引陶宗儀云
官至集賢待制同知湖州路總管府事書史會要
稱其工真行草篆此碑以庚午歲文正八世孫文
英任湖州安定山長求仲穆書碑當卽仲穆官湖
州路時庚午爲元文宗至順元年書碑後又二十
年至庚寅歲爲順帝至正十年文英乃刻于文正
公書院之忠厚堂文英跋稱義田記舊本刻于天
平山忠烈廟中而不詳當時書者何人刻于何年
天平山之有忠烈廟檢文正公集補編附錄明泰

和王直撰重修忠烈廟記稱文正公經畧西鄙西人仰公之德服公之化皆爲公置生祠宣和間宇文虛中爲慶帥言公忠於朝廷其功烈顯於西土至今猶廟祀益虔然廟未有額徽宗命以忠烈名之且爲題其榜凡廟之在西者皆易以新名然蘇猶未有也紹興以來西土皆陷忠烈之廟越在異邦蘇之守令與其士大夫謀曰蘇公故郡也而天平山則公祠墳在焉公之精神必往來乎此乃更作新廟揭忠烈之榜於廟門由是蘇始有忠烈廟歲久廟壞元至元乙酉嗣孫邦瑞士貴復新之此

天平山忠烈廟之緣起也東都事略載慶州賜額忠烈廟在宣和五年至南渡後天平山之建廟未詳何年檢褒賢集載文正公曾孫直方記云紹興乙卯自嶺海被召至行闕丙辰春出使至淮上始過平江時義宅已焚毀族人星居村落間一旦會集于墳山散亾之餘尙二千指云云而不言有廟其時紹興四五年間也周必大乾道丁亥汎舟游山錄有云忠烈廟具有文正以下畫像挂壁謁之丁亥爲乾道三年其時已有忠烈廟矣然則廟之建置不越紹興年間義田記初刻當卽在是時其

以趙雍書重刻卽在至元乙酉邦瑞新廟之後所謂龍集至正庚寅者是也然文英跋但云舊刻有脫簡不言凶佚不知趙書刻後舊碑凶于何時也義田之置史傳但言好施予置義莊里中以贍族人不言建置之年忠宣公奏立義莊規條則云臣父仲淹先任資政殿學士日於蘇州吳長兩縣置田十餘頃供給諸房宗族衣食及婚嫁喪葬之用墓誌銘則云公在杭盡以餘俸買田於蘇州號義莊以聚疎屬据年譜公之除資政在慶曆五年知杭州在皇祐元年自資政至知杭州相距五年此

五年中卽置義田之時忠宣之奏在治平元年其

時刊定規矩編類刻石則卽以此時屬公輔誤記

以垂永久可懸揣而得也今此碑始附治平末宋史本傳稱

仲淹唐宰相履冰之後其先邠州人也後家江南

遂爲蘇州吳縣人年譜稱公達祖博士范湧裔孫

履冰爲唐丞相鸞臺鳳閣平章事世居河內四世

祖隋唐咸通十一年由良鄉主簿遷處州麗水縣

丞一支渡江中原亂離不克歸子孫遂爲中吳人

蓋義田所贍之族人皆麗水丞之子孫卽直方所

見之二千指亦卽分贍義田之族人也履冰見唐

書宰相表載初元年春官尙書范履冰同鳳閣鸞
 臺平章事又世系表云范氏後漢博士湧世居河
 內又文藝元萬頃傳云武后諷帝召諸儒論議禁
 中萬頃與周王府戶曹叅軍范履冰苗神客太子
 舍人周思茂右史胡楚賓與選蓋履冰在唐時固
 以文學著稱也文正自曾祖祖父皆仕吳越父隨
 錢俶歸宋終徐州節度掌書記文正生于徐州二
 歲而孤隨母適朱宋史傳云長山朱氏
歐公神道碑富鄭公
墓誌銘 年譜云淄州長山朱氏文正公集補編載
皆同 文正公家傳作池州長山朱氏於是淄州之長山

與池州青陽縣之長山皆有公祠宋紹定中丁黼
池州祠堂記謂青陽之長山一名讀山是公幼讀
書之地至淄州之長山乃公隨所養父淄州長史
朱文翰之地本名長白山也然攷淄州長山有禮
泉寺巒堂嶺皆公幼讀書之所丁黼記謂在青陽
恐未盡然此事史傳碑銘皆所未晰因附識之

題觀魚軒詩

石高三尺四寸三分橫長四尺六寸
五分共十一行行八字正書在安陽

題觀魚軒

淮南節度使司徒兼侍中判相州事魏國公韓琦

雨後方池碧漲秋觀魚亭檻俯臨流時看隱荇駢頭戲
忽見開萍作隊游喜擲舟前翻亂錦靜潛波下起圓漚
吾心大欲同斯樂肯插筠竿餌釣鉤

碑無年月不云并書玩其字跡卽琦筆法也琦築忘

機堂在彰德府治北前有狎鷗亭又前有觀魚亭

中州金石記

按魏公以司徒兼侍中判相州在神宗卽位之初
此碑無年月姑附治平四年之末

金石萃編卷一百三十六終